

續行水金鑑

地710

2234-2

新=64

續行水金鑑卷第一百二十四

運河水

章牘五十二



嘉慶二十年二月初九日黎世序奏奉

上諭據巡視東漕給事中卓秉恬奏請樽節湖水以利漕運一摺微山湖蓄水本以接濟韓莊八閘及邳宿一帶運河上年微湖水勢短絀不敷鋪至江境多方疏導始克濟運本年微湖雖蓄水寬裕然江境仍當加意樽節兩省同辦一事總當不分畛域該給事中稱邳州各閘啟閉僅以一主簿兼管恐其照料不周啟閉失宜請於河清河定河成等閘派員經管著黎世序酌於江境各閘官內或擇其事務較簡者改設一二員或酌添一

續行水金鑑卷一百二十四

運河水

員幫同管理該處閘座以專責成欽此伏查邳宿運河內現在行漕石閘共計六座均歸各該汛員管理並未專設閘官亦無額設閘夫空重漕船經過之時各汛員率令沿河堡夫相機啟閉亦不另給工食內匯澤閘係邳州直河司巡檢管理利運閘係宿遷縣運河主簿管理濼流閘係宿遷縣中河縣丞管理每員專管一閘不虞照料難周惟河清河定河成三閘係邳州新安司巡檢一員管理嘉慶十八九兩年東省微湖水勢短絀運河來源較弱臣與督臣百齡籌商設法蓄水啟閉加嚴恐該巡檢一人照料難周當將河定河成兩閘另行委員分管僅有河清一閘仍交

新安司巡檢管理每閘各有經管之員專司啟閉並未僅以主簿一員兼管三閘臣與督臣百齡亦嘗計議於河定河成兩閘專設閘官而通工閘官額缺並無可以裁改之處若添設閘官必設閘夫一處添設閘夫其餘各閘亦必援例請添每歲增給俸廉工食卽多繁費查山東運河各閘相離較近者或一官管理兩閘或一官管理三閘或並無專設閘官就近歸於汛員管理亦未每閘各設一官所有邳州河清河定河成三閘相離不遠平時統歸新安司巡檢管理足資照料漕船經行之際添派委員各管一閘專司啟閉歷司辦理失宜似可毋庸添設閘官轉致紛更

糜費奉

硃批既能兼顧不必增添

南河成案續編

三月十五日卓秉恬奏臣自去冬抵濟以來周歷河干留心體訪見聞所及謹擬四條上陳

御覽 一攔河大壩宜歲加修築也韓莊堵築攔河大壩前兩年雖亦有此舉然在空船過竣已無水可收必須趁重運方完空運未至此時總空一月有餘攔河一壩於收水大爲得力創自上年甚有明效雖於差民船隻守候多時稍有不便然

國家大務亦不能瑣瑣顧恤上年河臣李鴻賓辦理堵壩卽於江南山東交界徧貼告示諄諭官民船隻如

有緊要事件作速改由陸路毋致觀望自誤並將尾幫以後之銅鉛竹木貢物各船嚴提跟接糧艘前進卽閉閘堵壩是以河水入湖涓滴不漏辦法實爲妥密應請

旨敕下河臣責成運河道永遠遵辦則微湖水勢永無短絀之虞 一湖水毋得任意敞放以重瀦蓄也微湖接濟邳境自應不分畛域然彼此稍存意見下游索水太多上游只得暢放雖水櫃十分充足一經漫無節制則盈者立涸前兩年雖因引渠淤塞收蓄失機以致日涸一日而放水過當掣耗甚多其弊亦半由於此應請

續行水金鑑卷百五

運河水 三

旨敕下河臣嗣後塘長各河鋪水總以四尺五寸爲率運河正好行船卽不得輕放湖水如偶有淺澀仍照向例頭進南糧微湖放閘口水二尺四寸二進船放水三尺二寸三進船放水不得過四尺毋得任意敞放致耗洩無餘以重瀦蓄 一禁啟通漕以節湖水也每年夏閒發水時催漕各官輒令各閘敞板水勢直瀉謂之啟通漕其意固爲速漕起見不知山水易洩難留旋卽消耗敞板二三日涸可立待又須設法撈淺及下倒板等事是甫送一二幫卽有數幫停滯真爲欲速反遲此乃漕弁不識全河形勢機宜往往向閘官爭執亦耗水之一大端也況古人立閘備板

之意原爲關束水勢縱有盛漲亦祇須啟水面上板數層其下半板塊亦斷不可啟也應請

旨敕下河臣漕臣永遠禁啟通漕則各塘存水寬裕雖糧船頂閘過閘啟閉需時而有水不患船不速矣一嚴閉閘板以便節宣也東省運河全恃諸泉之水從石罅泥穴中尺疏寸導積少成多源源接濟其間或數十里置一閘或數里置一閘必上啟下閉互相灌輸方可浮送閘座自宜堅固而閘板亦須整齊假使稍有未善啟閉何以能嚴臣於督催挑工時遍查各閘閘板自河臣李鴻賓督飭添補齊全現在無殘缺之患惟添補閘板固係遵循舊例然恐久而或懈

續行水金鑑卷百四

運河水四

其漸不可不防應請

旨敕下河臣責成運河道每年春秋二季重運未入境前空運出境後逐一確查添補預爲之備庶啟閉愈嚴於漕運實有裨益奉

上諭給事中卓秉恬陳奏稱攔河大壩宜早堵築啟放湖水宜加撙節並禁啟通漕添補閘板各條內有李鴻賓已經試辦於前者著該河督將所奏各條詳悉酌核如果於河湖漕運實有裨益卽會同漕運總督妥協辦

理
運河
道冊

是月二十一日吳璫李鴻賓卓秉恬奏東省運河挑工普律完竣臣李鴻賓業將酌啟汶壩南北鋪水緣

由會奏臣等查本年東省各湖水櫃瀦蓄俱極充盈
汶河水勢亦因泉源暢注較勝往年三月初四日啟
除汶壩並酌開馬場獨山等湖放水鋪入運河南至
韓莊北至臨清共七百餘里均一律鋪足深至五六
尺不等其韓莊以南八閘及江境邳宿一帶專賴微
山湖水鋪灌向例微湖大壩催南糧首進幫船陸續
抵濼流閘下江省定期知會鋪水始行啟放今東省
嶧汛大泛口屢歲搶辦工程於江省啟除黃林莊界
壩後加雇人夫剋期儻辦已於初五日前如式妥竣
專候江省知會到日卽啟放湖口壩鋪水南注初七
日據江南徐州道稟稱截至上月三十日漕船渡黃

共有八幫挽抵濼流閘下五幫其在後之船於中河
境守候臣等查南糧幫船雖接續渡黃並以次行抵
濼流閘下但計算幫數尚少若先將微湖啟放未免
虛耗較多惟現屆三月下旬爲期已不爲早不能不
預爲放水迎濟臣等卽飭運河道率同廳營等定於
十八日將微山湖湖口大壩集夫啟除限二十二日
透水下注八閘遞鋪江境邳宿一帶庶已經渡黃及
行抵濼流閘各幫卽可先行挽入東境約計頭進首
幫到境已須月杪而東省湖瀦充裕塘長各河水俱
深足卽入境之期稍有稽滯亦可儻緊北上以速補

四月初八日百齡張師誠黎世序奏淮安府山陽運河東岸向有涇河石閘一座閘下涇河一道計長六十餘里每遇汛期啟閘宣洩河水下注由山陽寶應鹽城各縣穿蕩歸海兩岸民田藉以灌溉向來修閘挑河均須農民自行捐辦上年因閘壞河淤籌議修疏當以工鉅費煩民力難任而一處河道未便兩請動項是以議令河身仍聽農民自行挑辦閘座緊要經臣等援案奏明借項興修仰蒙

恩旨俞允趕修完竣從此宣洩有資濱河士庶咸頌皇仁淪肌浹髓修閘之後卽應挑河無如該河因積年減水下注淤墊實甚兼之工段較長需費甚鉅復因

上年遇旱歉收民力實有未逮河底旣高啟壩放水宣洩不暢屆今黃流復故瞬臨大汛若運河盛漲慮致旁溢隄堰旣已堪虞而河水減洩無多民田難資灌溉實關緊要前據署山陽縣何因綸詳據士民吳學潛等環請循例借帑興辦分年攤徵還款臣百齡查核縣詳雖係實在情形但該河閘座甫經借款興修其挑挖河道未便再請借項批飭司道籌議具詳茲據署江寧布政使昌德淮揚道徐承恩會詳稱涇河淤墊原應民間自行挑濬惟因該處連年歉收民力倍形拮据若專責民間自行挑辦勢必不能集事若稍事因循於疏消運河盛漲旣不得力而農田灌

漑無資更於小民生計有礙司道庫內又無閒款可動現據民人再三籲請借項攤捐察其情形不得不權宜辦理茲又飭令現署山陽縣王佐並委員裏河同知沈植蕃河營千總張旭陽等會同確勘按例攤節估土方夫工銀二萬五千六百四十五兩由府詳道復經徐承恩親詣勘估無可刪減請於河庫墊發卽委沈植蕃王佐署清河縣知縣龔京正分段趕緊承挑予限完工仍由江寧藩庫籌撥解還河庫於前項闡座借項徵還之後續將所借銀兩分作八年按田徵還歸款臣等伏查修闡挑河二者並重涇河闡座旣蒙

恩准借項修竣刻下挑濬涇河實爲疏洩河流灌漑農田必不可緩之工仰懇

聖主俯念河闡事同一例挑疏萬難稍緩

允准循例借支給辦仍責成道府駐工督令承辦各員認真興挑務使照估如式妥速完竣臣等親往驗收稍有草率偷減卽行嚴參罰賠奉

上諭山陽縣涇河闡座前經借項興築其河流淤墊處所原應民間自行挑濬據百齡等奏該處連年歉收民力拮据一時難以集事而水利農田關係緊要辦理未便延緩加恩著照所請將估需土方夫工銀二萬五千六百四十五兩先由河庫墊發飭令委員趕緊挑疏勒

限完竣仍由江寧藩庫籌撥解還河庫至此項應行攤徵銀兩並照所請俟前項修閘借款徵還後分作八年

攤徵歸款以紓民力

南河成案續編

五月十九日吳璥卓秉恬奏本年閘河水勢充盈幫船行走極爲順速惟臨清閘外衛河水弱臣卓秉恬前於押送首幫出境後折回臨清一帶會同撫臣陳預分飭地方河員備剝撈淺實力辦理節經先後具奏查衛河源出豫省向年入夏以後天晴風燥水勢日消必須設法妥辦始可無誤漕行現經撫臣陳預駐劄該處督同濟東道德啟運河道洪範一面嚴飭各州縣暨河工廳汛等官於古淺新淤處所募夫撈

續行水金鑑卷三十四

運河水八

浚一面於例備官民剝船之外委員馳赴直境添雇民船現在已敷剝運臣吳璥復飭運河道於上河廳之柳園頭石佛寺半壁店等處酌做草壩三道下河廳之渡口驛南草寺三里口祝家屯夏莊營房娘娘宮等處酌估草壩六道並於每壩密下挨牌層層關束擡高水勢連日幫船行走較前已速茲於十一二三等日濟寧連得大雨據濟南兗曹泰安東昌等府陸續稟報得雨三四五寸至深透不等汶河於十三四日長水七尺二寸泗河於十二日長水三尺六寸臣等飛飭該管廳汛酌啟斗門水口單閘將運河有餘之水收納入湖查昭陽南陽南旺三湖各長水三

寸微山湖長水一寸二分獨山湖長水四寸馬場湖
長水二寸三分馬踏湖長水二寸七分並據上河廳
稟報衛河於十二三四等日亦長水八寸南糧重運
截至五月十三日共入東境四十四幫已過濟寧者
四十二幫出臨清口者十三幫衛河現經長水之後
幫船量爲起剝即可連檣前進臣卓秉恬現往韓莊
一帶迎提二進尾幫並嚴催三進幫船臣吳璥仍在
濟寧上下加緊督催不任稍有稽滯

運河
道冊

是日吳璥奏竊照接管卷內前任河臣李鴻賓接准
軍機大臣字寄三月十五日奉

上諭

前已
恭載

欽此伏查前河臣李鴻賓由京回濟卽與臣

續行水金鑑卷百五

運河水
九

詳細講論均屬應辦要務一面咨商漕臣未及具奏
臣復將逐條細加酌核謹就愚昧所及開列於後
一卓秉恬所奏攔河大壩宜細加修築一條查回空
糧船過竣後水已微弱卽攔河築壩所收亦屬無多
自須夏秋山泉漲發時收水入湖方能暢足上年李
鴻賓因微山南陽南旺獨山等湖俱成平陸六七月
間山泉正旺若專恃運河之水由單閘水口入湖而
直往南注者聽其虛洩斷不能收符定誌是以重運
甫竣卽趕築攔河大壩盡數收入微山等湖涓滴不
漏始能將全涸之湖於數月內頓復舊規實已行之
有效該給事中請歲加修築自係預籌瀦蓄之良法

惟各湖存水過少之年必應照此趕築方克有濟若重運全竣後湖水已漸符定誌或所短有限計各單閘水口所進之水可期收足似宜斟酌變通從緩堵辦於商民船隻往來亦覺兩便是在司河各員因時制宜不必拘泥亦不可因循總以湖瀦收蓄敷足爲准自可永無短絀之虞 一湖水毋得任意做放一條查各湖水櫃以微湖爲最要蓋東境八閘及江南邳宿運河全賴微湖挹注兩省盈絀相因未可稍分畛域如江境浮送不敷固不可偏執惜水之見而東境掣耗過甚亦恐有後力不繼之虞若下游索水太多一時自覺快利而湖水過耗難以收符定誌次年

卽形短絀於江境亦有不利自應通盤籌畫彼此相關是以向例啟放湖口壩暢放三晝夜鋪灌邳宿長河之後俟幫船到境再量啟湖口閘水板接濟頭進放水二尺四寸二進放水三尺二寸三進放水不得過四尺本屬多寡適中宣節兼顧方能遞年無虧該給事中有鑒於十七八等年不特收水失機兼之用水無節幾致貽誤全漕所請湖水宣放濟運只須足敷行船而止不得任意敞放致令耗洩無餘洵爲先事預籌以保湖水常充漕運順利之要務自應如所奏酌定宣放湖水章程永行遵辦 一禁啟通漕以節湖水一條查山水驟漲奔騰下注其來雖旺其退

亦速專藉各閘層層關束始能攔截歸湖若一啟通
漕勢必南洩者多入湖者少於收蓄之計大有關礙
卽因水勢猛驟恐致閘板皴裂亦只須酌啟水面上
板數層以資分洩仍留下半板塊不使全往南注方
爲妥善該給事中所稱夏間發水時催漕各官輒令
各閘敞板固爲速漕起見而不知山水難留涸可立
待又須撈淺及下倒板等事轉致欲速反遲誠屬洞
悉情形切中利病亦應如所奏永禁通漕以裕湖漕
一嚴密閘板以便節宣一條查閘座原爲攔蓄水
勢互相灌輸若板塊短缺則暗中耗洩閘同虛設前
數年閘板處處缺少實亦耗水之一大病經前河臣

續行水金鑑卷一百一十四

運河水 七

李鴻賓查明嚴飭添足試行有效現在雖已完整該
給事中恐日久懈生又蹈覆轍洵屬思患預防之計
亦應如所奏專責運河道於每年冬春二季重運未
入境前空運出境後督令廳員確切詳查一律添補
齊全則啟閉愈嚴於漕運湖漕均有裨益以上四條
遵

旨詳悉酌核並咨會漕臣一體妥協辦理奉

硃批依議速行

運河
道冊

是日吳璥奏運河廳濟寧汛隄工爲漕運往來緯道
兼資保衛攸關緊要自嘉慶四年修築並十六年擇
要幫培後歷經伏秋大汛水長隄塌衝刷殘缺上年

疊次大雨漲發尤爲湧驟自石佛閘上小龍灣起至魯橋涵洞止一帶河道上承汶府洸河來源匯流入運又因下游泗河之水全出魯橋頂托致水勢積長拍岸盈隄兼之東坡積水寬深兩面汕刷隨時搶護得保平穩迨水落歸槽後查驗堤工有刷去石眉以上土隄一半者並有隄頂剝削僅存寬二三尺者在在單薄險要堪虞亟應擇要趕緊修築高厚以資抵禦而通緯挽據該道廳擬估增培隄工二十七段共需銀六千九百五十餘兩臣詳加確核內有次要工段尚可緩修計駁減銀一千四百餘兩其實在殘缺卑薄必應趕辦之工計十八段長一千六百九十六

丈共估需銀五千五百三十八兩又捕河廳東平州汛汶河西岸戴村石壩迤南五里十三步土隄內戴字五號堤工原長一百二十丈形勢兜灣坐當汶流頂衝土性沙鬆歷年伏秋水長汕刷本已卑薄上年汶流疊漲奔騰湧注幾至漫隄雖經搶築高厚而隄形兜灣之險未除必致愈刷愈灣倍形喫重儻值異漲潰塌水由旁洩於濟運湖瀦均大有關礙急應就勢估築柴土挑壩三道挑溜東趨方資保衛因所估浮多嚴駁刪減茲已減定實需銀二千五百六十四兩以上兩廳隄壩工程現據運河道分案具詳臣復加查核委係應辦要工所估銀料按工確核已無浮

多請於運河道庫節省八束項下動支分飭趕辦奉

硃批依議速辦

運河道冊

是月二十六日李逢亨奏竊臣於十四日敬聆

慈訓十五日

陛辭後卽日出京回至永定河適十六十七日連得大雨十八日永定河連底水長至一丈五寸當與新任永定道周歷險工將防護事宜逐一商確二十日河水旋已消落臣卽自固安起程經過新城雄縣任邱河間獻縣阜城景州出境均得甘霖沾足禾苗勃興秋成可望查河道與地方相表裏地方豐稔河工卽可安瀾此皆仰沐

續行水金鑑卷百十四

運河水

三

皇上洪福

至誠感召之所致臣於二十六日行抵山東德州目睹運河水勢深通糧艘行走迅速並詢知衛河水亦充裕南糧邁行卽由臨清一帶察看閘壩嚴飭小心啟閉當節有用之水以備不時之需六月初七日奉

硃批勤慎二字刻不可忘勉之

運河道冊

六月二十四日百齡黎世序奏查邳宿運河上游山水疊次長發各閘啟板尚然流行不及酌啟利運濼流兩閘越壩以分猛驟之勢而河成匯澤以上閘門水勢猶高下懸殊船行不能迅速臣等復飭運河廳營將各閘越壩全行啟除以平水勢幫船由各閘金

門並越河兩路上挽倍爲暢順第向來山水長發雖驟消落亦速誠恐來源稍弱閘壩俱開底水易耗仍一面酌備料物以便收窄壩門藉資收蓄一面飭調河口官剝船隻前赴邳宿以備起剝僱行之用茲於六月二十一日三進船三十二幫已全行挽出江南黃林莊境查上年多一閏月三進幫船於七月初十日全行出境本年無閏比較上年早至一月有餘東境運河水勢充盈可期早達

天庾

南河成案續編

七月初七日陳預奏濟寧楊家壩隄岸於上月十六日因府河水勢陡發衝刷當卽飛飭運河道洪範就

續行水金鑑卷三十四

運河水

十四

近查勘疏消奏報

聖鑒旋據該道及署知州稟報趕緊堵築斷流將漫水設法疏消至二十二日水已消退居民復業其濱臨蜀山馬場等湖窪地因雨多積潦亦有被淹之處現已設法疏消並據汶上縣知縣稟報縣境李太口草橋等處民堰亦被漫溢開放洪仁橋等處單閘宣洩茲已全行堵閉現將隄堰加高培厚查上月上中旬雨水積多荏平莘縣低窪之區亦不免有被淹之處所喜數日以來天氣晴朗臣現飭藩司委員會同該州縣逐一查勘其過水之區如田禾間有損傷卽令隨時補種雜糧俟勘明情形再據實奏

聞至衛河水勢前因據報日漸增長恐有捫阻之虞臣
卽飭濟東道德啟派委前往臨清州楊嗣曾馳赴四
女寺察勘誌椿查照向例水至一丈六尺卽開放支
河宣洩旋據稟報上月二十五日衛水長與水誌尺
寸相符卽會同廳汛啟壩開放河流立時分注復據
濟東道稟報自啟放支河因衛源盛漲臨清閘外水
勢尚未見消落六月二十八日趕緊將杭嚴四幫船
四十七隻僦出臨清口次日卽汶衛相平該道督同
上河廳將頭閘嚴密加板已衛高於汶二寸箝口壩
外漸有沙淤俟衛水平減卽行提閘放船臣當卽飛
飭恩縣知縣張恒將支河口門橋孔全行開放暢洩

續行水金鑑卷百五

運河水

五

水勢並飭該道德啟督同署臨清州宋鑑俟衛流平
減汶水蓄高卽將箝口壩口門淤沙督飭趕緊撈挖
啟放閘板藉溜衝刷將抵閘各幫船趕運出閘至現
在閘外隄堰尤關緊要已令各州縣會同河員督率
人夫上緊培高加厚以資保衛

運河
道冊

九月初八日李逢亨吳璥奏運河設立閘座專爲節
宣水勢必須閘身完整板塊齊全視水勢大小相機
啟閉實爲漕運攸關至緊至要臣吳璥於上年查勘
各閘多有年久損漏急應徹底重修因恐同時並舉
工費繁多會商前副總河臣李鴻賓酌量緩急請分
年修理以節經費具奏在案臣李逢亨到任後因值

重運經臨未能修理當飭廳閘各員略爲補砌勾撮暫資擎托總非經久之計茲據運河道洪範詳稱泃河廳沛縣汛楊莊閘一座建自前明迨雍正乾隆年間各拆修一次嘉慶四年補修上六層十五年補修上五層迄今又閱數年閘底椿木朽爛兩岸金門由身及雁翅轉角各牆石多半坍卸脫落坐蟄隙裂又四雁翅尾亦皆掣裂殘損閘底石塊掀揭參差難以下板擎蓄又運河廳濟寧州汛師莊閘一座上承汶水衝擊而下游泗河長發渾流倒漾淤墊堪虞全賴此閘啟閉得宜最爲緊要該閘自乾隆十一年拆修以來歷今六十餘載底椿朽腐牆石酥損金門兩岸

由身轉角雁翅裏頭等處全行臞裂閘底衝掀槽石破碎通身滲漏並該閘地勢低窪應加高三層方資攔蓄又上河廳堂博汛土橋閘一座乾隆二年重修迄今七十餘年金門槽石兩牆由身石塊脫落透水掣傷裏石其轉角雁翅裏頭閘耳亦全行酥損閘底椿木朽腐底枋斷折底石衝掀難以啟閉並盛漲時水漫閘背亦應加高三層以上三閘急應徹底拆修並展挑月河築壩戽水等工詳請具奏臣等復查各該閘實係通身損壞不特啟閉維艱儻牆石坍卸致礙重空漕艘往來所關匪細洵屬緊要之工但核其所估銀數較多臣等正在豫省督防秋汛未能親往

查勘當卽遴委幹練工員隨同運河道逐細勘估茲據該道等詳覆共核減銀二千三百七十餘兩並選取舊石抵扣新料外計楊莊閘實估例幫價銀一萬四千二百六十餘兩土橋閘實估例幫價銀一萬一千七百三十餘兩現值回空糧船南下俟指日全竣卽須趕緊興辦於明年鋪水以前普律完竣所需石料應先期發價採購運工臣李逢亨一面移咨山東撫臣陳預酌撥司庫銀兩辦理俟霜降安瀾回抵濟寧卽親加覆勘有無浮估詳慎稽核奉

硃批依議工部知道

運河道冊

十月二十八日黎世序奏邳宿運中河水勢充足但

續錄金鑑卷百五

運河水

七

時已交冬應行節蓄所有運河各閘越壩及楊家莊口門頭二三壩現在飭令照例接築以資擊托而利漕行河口福興正越兩閘年久損壞本年春間已將正閘拆造完工現將該閘上下及荷包塘兩岸應做裏頭護埽並填築隄工殘缺之處均分別辦理以便啟放行船騰出越閘趕估拆造揚河廳之車邏南關兩壩壩底均已先後修築完固惟二壩本年啟放日久其南金剛牆年久未修石塊多有酥損牆身蟄裂車邏閘亦年久損壞據該道廳稟請急須拆造以備來年啟放現在估計辦理其餘各處工程一律平穩回空漕船截至十月二十七日已渡黃六十二幫暢

行無阻在後幫船僅止六百七十餘隻如能跟接來江可期計日全行南下不致有凍阻之虞清江一帶二十五日戌刻起至二十六日申刻止得雪二三寸時交小雪卽渥被祥霽在地麥苗滋培霑足預兆豐登民情極爲歡抃十一月二十五日奉

硃批欣慰覽之

南河成案續編

十一月初四日李逢亨奏竊臣於霜降安瀾後回至濟寧督催回空漕船查勘隄堰各工查運河爲漕艘經由要道必須河水充盈而隨時宣蓄尤在隄堰完整閘壩堅固方可無誤機宜臣前於五月赴任時由德州臨清一路沿河查勘見兩岸官隄民堰單薄卑

續泉金鑑卷百四

運河水六

矮之處甚多難資捍禦因時已大汛重運盛行不及估辦當經會同撫臣陳預分飭河工地地方該管之員擇要修補嗣值河水盛漲嚴密防守幸保無虞臣前曾遴委諳練工員自上而下以次查較盛漲水痕擇其必須加培萬不可緩者分別官隄民堰擗節確估由運河道復估造冊詳請惟臣在豫防汛未曾履勘均須親詣各工確切詳估以昭核實而杜浮冒現在回空幫船行走迅速於十月三十日全數僭出東境臣卽親赴運河下游察看微山等湖收蓄水勢以及冬挑事宜並南北應修隄堰閘壩工程運河道洪範熟悉情形深知工程緩急卽帶同該道自臺莊溯流

而上直至臨清迤北逐細確勘將來卽交該道督率辦理更爲認真切實 又奏竊查本年五月臨清閘外衛河水弱經前巡漕臣卓秉恬撫臣陳預駐劄該處督同各該道嚴飭廳縣募夫撈濬一面添雇船隻剝運並經前河臣吳璥復飭運河道於上河廳之柳園頭石佛寺半壁店等處酌做草壩三道下河廳之渡口驛南草寺三里口祝家屯夏莊營房娘娘宮等處酌做草壩六道層層關束擡蓄水勢幫船得以行走迅速極爲得力均經奏明共計用過工料銀一千四百七十六兩六錢八分八釐茲據運河道核實開具印摺請奏臣覆核並無浮冒再此項工程係動用

續行金鑑卷一百一

運河水 九

運河道庫節省八束銀兩辦理應請照例報銷奉

硃批工部知道

運河道冊

是月二十四日李逢亨奏竊臣由水路自運河廳之濟寧魚臺等汛泇河廳之沛滕嶧等汛直至臺莊以下與江省交界之黃林莊止以次履勘詳細講求俾蓄洩啟閉機宜皆知遵守微湖爲濟運水櫃最關緊要本年雨水應時泉源暢旺臣嚴飭運河道率同廳汛隨時收蓄得寸則寸得尺則尺多多益善總期湖水充裕來年漕運方能迅速九月後各處雨水遞達微湖蓄水較定誌多一尺六寸卽較上年收水最大之日亦多收一尺實爲歷年所未有惟是水勢過大

則隄工難免喫重泐河廳之嶧汛滕汛臨湖石堤西
抵大湖東逼運河因水勢擡高多有滲漏之處又值
西風當令鼓浪撞擊設有疎虞所關匪細前據運河
道洪範稟請啟放十五孔橋北首四孔藉資宣洩並
於臨湖喫緊處估鑲護埽三段保護隄岸當經批令
相機妥辦茲臣到工察看該處一帶隄頂僅寬丈許
原係碎石砌成上加大石現多脫落殘缺之處一遇
風浪撞擊勢屬堪虞所鑲護埽係急應趕辦之工查
量長深高寬丈尺亦與所報相符臣督令追壓堅穩
足資捍禦惟臨湖一面雖經鑲埽護衛而臨河一面
石岸壁立且間段殘缺情形尤甚險要該處河面僅

寬三四丈土戩不能站立鑲埽又占河道細加相度
必須照舊將石隄補修完整方資外衛臣督同運河
道隨帶委員逐細確估除找用舊石之外添買新石
補砌完固其臨清河隄根尚有餘地者卽於石工外
估築土戩以歸樽節通計臨湖護埽並臨河土石等
工共估銀六千九百餘兩容臣核明另繕清單奏呈
御覽所需銀兩請卽於運河充沂兩道庫節省八束銀
項下動支應用無庸另請錢糧現在微山湖隄岸內
外修理堅固前藉宣洩啟放十五孔橋北首之四孔
今已堵閉點水不令外出現存水一丈三尺二寸五
分以後再有長水足以容納來年濟運可期充裕至

運河下游兩岸隄工間有卑薄之處酌估幫培其前
次奏明估修運河泃河之楊莊師莊兩閘復加勘核
均屬無浮已據承辦各員購運石料到工俟空水之
後卽行興辦奉

硃批依議辦理

運河
道冊

續行水金鑑卷一百二十四

運河水

三

續行水金鑑卷一百二十四終